




Hi tava na nhlengeleteno ya ndyangu.

Ku na Tatana, Hahani Pula, Malume Chavani, Eddie, Attie, mina, na Kokwanaxisati.

Hi mina lontsongo.



Xiyanimoya xi tshama xi pfuleriwile 24/7 ekaya. Hi tshamela ro yingisela mahungu.

Hi swi twile leswaku namuntlha swikolo swi ta pfula nakambe vhiki leri taka.



Swikolo a swi pfariwile tin’hweti to hlaya hikwalaho ka mpfalelo.

Tatana a sungula, “Vandyangu, hi fanele hi teka xiboho mayelana na ku tthelela ka vana exikolweni.”





Hahani Pula u na ku vilela. "Loko swikolo swi pfula swi vula ku vanhu vo tala va ta tluletiwa hi mavabyi.

Xiyimo xi nga nyanya," a hlamusela.





Attie a ku, “Ndzi chava ku khomiwa hi mavabyi lama.

A hi yimani mavhiki mambirhi ku vona leswaku swilo swi famba njhani exikolweni. Ku na ku hlangahlangana ko tala.”



Tatana a ku, “Ndzi chavela Kokwanaxisati.

Loko vana vo khomiwa hi mavabyi naswona va vuya na wona laha kaya, xiyimo xi nga va tikela swinene.”


Kokwanaxisati a pfumela hi nhloko.



Kokwanaxisati wa mina u dyuharile swinene. U na chukele na vuvabyi bya mbilu.

Ndzi tela hi ku chava. Ndzi vilela ngopfu hi ndyangu wa mina.





Malume Chavani a ku, “Ndzi anakanya leswaku vana va tshama ekaya, tanihi ndlela yo sivela. A hi yimeni hi vona loko ku ri swikolo swi lulamerile ku amukela vana.”

Va pfumelelana hinkwavo handle ka Eddie.



“Ndzi fanele ndzi ya exikolweni xa le henhla haxawa. A ndzi swi tivi leswaku ndzi ta swi kota ku endla ntirho hinkwawo ke. Ku dyondza eka inthanete a swi ndzi pfuni mina,” ku vula Eddie.



Ndzi chava ku salela endzhaku hi ntirho wa xikolo.

Ndzi na ku vilela hikwalaho ka vumunhu bya hina. Xana hi ta khomana njhani sweswi?

Hi fanele hi kongomana na leswi hinkwerhu.





## —Swivutiso

1. Hlamusela leswi marito lama ma vulaka swona: ku khomiwa hi mavabyi, vadyuhari, ndlela yo sivele, vumunhu.
2. Hlamusela ku ri swi vula yini 'ku vilela hikwalaho ka vumunhu'.
3. U anakanya ku ri ndyangu wu tekile xiboho xihhi? Hikwalaho ka yini?



---

Buku leyi ya xitori yi huma eka swiviko swa Xiyanimoya xa RX. Xiyanimoya xa RX i xitichi xa xiyanimoya xa le ka inthanete, lexi nga xa vana no haxiwa hi vana.

Xiyanimoya xi fambisiwaka kusuka eRed Cross War Memorial Children's Hospital eCape Town.

Xiyanimoya xa RX xi pfuna vana ku rungula switori hi timhaka leti nga ta nkoka eka vona.

[Endzela xiyanimoya xa RX](#)